



Inatsisartunut ilaasortaq, Aqqa Samuelsen, Inuit Ataqtigiit  
Inatsisartut Allattoqarfiat  
-/maani

23-12-2019  
Suliap normua. 2020-710  
All. nr. 12733890

**Kangerluk il.il. pillugu § 37 naapertorlugu apeqqummut nr. 2019-366–imut akissut.**

Postboks 1015  
3900 Nuuk  
Oqarasuaat (+299) 34 50 00  
E-mail: govsec@nanoq.gl  
www.naalakkersuisut.gl

Asasara Aqqa Samuelsen,

Inatsisartut suleriaasianni § 37 naapertorlugu ilaatigut Kangerluk Kommune Qeqertalimmiittoq pillugu apeqquteqarputit. Apeqqutigisatit uannit akisassanngortinneqarsimapput, imatullu akissuteqassaanga.

- 1. Naalakkersuisut Nunaqarfik Kangerluk inukippallaalernera pillugu Kommune Qeqertalik peqatigalugu aaqiisoqarnissaa siunertaralugu pilersaaruteqarpat?**
- 2. Nunaqarfiup Kangerluup ilungersunartumik inissisimanera pillugu Kommune Qeqertalimmi Borgmesterip Naalakkersuisut Siulittaasuanik ataatsimeeqatiserinnikkumasarnera Naalakkersuisut pissusissamisoortutut isigivaat?**

Apeqqutigineqartunut akissutitut ilisimatitsissutigisinnaavara Kangerluup inissisimanera siunissaalu pillugit Kommune Qeqertaliup borgmesterianit saaffigineqarnerma kingorna borgmesterimut pineqartoq pillugu ataatsimeeqatigiinnissarput siunnersuutigisimagakku ilaatigut nunaqarfiup siunissaa innuttaasullu nunaqarfimmi najugaqartut siunissaat eqqarsaatigalugit suliniutissani Naalakkersuisut Kommune Qeqertalimmut suliassa qarfiit assiginngitsut eqqarsaatigalugit ikiuussinnaanerat oqaloqatigiissutigisinnaajumallugu.

Ataatsimiinneq – taamatut isikkulik ingerlanneqarsimatinnagu  
apeqqutigineqartunut oqaaseqaqqinnissara tunngavissaqanngitsutut  
isumaqarfigaara.

3. **Kommunit aqunneqarnerat pillugu Inatsisartut inatsisaat nr. 22, 18. november 2020-imeersup qulakkiinngilaa inoqarfiit innuttaqqortussutsimikkut ikippallaalerneratigut inatsisitigut iliuusissamik toqqammavissinissaq, tamanna Naalakkersuisut naammaginartutut isigivaat?**
4. **Kommunit aqunneqarnerat pillugu Inatsisartut inatsisaat nr. 22, 18. november 2020-imeersup inoqarfiit inukippallaaleraangata inatsisitigut qanoq malitassaqaarsinnaanissaannik qulakkeerinnittumik suliaqarnissamut Naalakkersuisut suliaqarnissamut pilersaaruteqarpat?**

Apeqqutigineqartunut tunngatillugu siullertut ilisimatitsissutigissavara kommunit aqunnerinut inatsit atuuttoq tassaamat *Kommunit aqunnerat pillugu inatsisartut inatsisaat nr. 29, 17. november 2017-imeersoq.*

Kommunit aqunnerat pillugu inatsimmi nunaqarfiit inuttussusaat aallaavigalugit immikkoortitsisoqarneq ajorpoq. Paarlattuanik kommunit aqunnerat pillugu inatsimmi kapitali 5-imi nunaqarfinni aqutsisut pillugit allassimasut naapertorlugit nunaqarfimmi inuttaasut amerlassusaat apeqqutaatinnagit nunaqarfiit tamarmik assigiimmik piginnaatitaallutillu periarfissaqartitaapput. Taamaattumillu kommunit aqunnerat pillugu inatsimmi nunaqarfiit "innuttakitsut" pillugit immikkut aalajangersagaqanngilaq.

Kommunit aqunnerinut inatsimmik atuuttumik Inatsisartut akuersissuteqarnerisigut Naalakkersuisut isumaqarput kommunit aqunnerat pillugu inatsit ullutsinnut naleqqussarneqarlunilu nutarterneqarsimasoq, tassanilu allannguutit annertunersaat tassaalluni nunaqarfinni aqutsisut annertunerusumik aalajangiisinnaassuseqalerneru aningaasaliissutinillu annertunerusumik namminneerlutik aqutsinerulersinnaaneri.

Inatsit pineqartoq akuersissutigineqarmat kommunit aqunnerat pillugu inatsisip atuuttup ilusilersorneqarnera Inatsisartunit tamarmiusunit isumaqataaffigineqarpoq. Tamatuma kingunerisaanik kommunit aqunnerat pillugu inatsisip allanngortinneqarnissaanik Naalakkersuisut massakkuugallartoq pilersaaruteqanngillat.

Apeqqutigineqartunut akissutinnut ilassutitut ilisimatitsissutigisinnaavara innuttaasut amerlassusaat pillugit kisitsisit kingulliit takutimmassuk nunaqarfiit mittarfittut inissisimasut ilanngunnagit 2019-imi nunaqarfinni inuttaat marlunniit

440-inut amerlassuseqartut. 2019-imi nunaqarfiit 12-it 50-it inorlugit innuttaqarput, taakkunungaluk Kangerluk ilaalluni.

Apequtigineqartumut allanik ilanngussassaqaqanngilanga.

- 5. Naalackersuisut siunissami Kangerluup inoqaannarnissaa siunertaralugu inuussutissarsiutitigut periarfissanik pilersitsinissamut nunaqarfik Qeqertat assigalugu pilersitsinissamut pilersaaruteqarpat?**

Apequtigineqartumut tunngatillugu ilisimatitsissutigisinnaavara Naalackersuisut Qeqertani suliniutigisimasaat tassaasimammat nunaqarfiup, nunatsinni nunaqarfinnut allanut periarfissarititaasut assigalugit, innaallagissamik imermillu pilersorneqalernissaanut aningaasaliissutissanik qulakkeerinninniarnaq. Tamatuma kingunerisaanik nunaqarfimmi innuttaasut 2019-imi innaallagissamik Nukissiorfinnit pilersorneqalerput, tamannalu Naalackersuisunit annertuumik naammagisimaarneqarpoq.

Kangerluk innaallagissamik imermillu pilersorneqareermat apequtigineqartumut allanik saqqummiussassaqaqanngilanga.

- 6. A. Kangerlummi innuttaasut Qeqertarsuarmut inoqarfinnulluunniit allanut nuukkumassagaluarpata inatsisitigut qanoq pisinnaatitaaffeqarpat?**

**B) Inoqarfinnut allanut nutsernermi?**

**C) Illutaarsinnaanermut initaarsinnaanermullu tunngasut?**

**D) Suliffittaarsinnaanermut tunngasut?**

Apequtigisannut akissutitut ilisimatitsissutigisinnaavara inuit ilaqutarilluunniit najugaqarfimmut allanut nuuttussanngortillugit Kangerlummi innuttaasut nunatsinni najugaqarfinnut allanut sanilliullugit immikkut piginnaatitaaffeqaqanngimmata.

Inatsisit atuuttut naapertorlugit Naalackersuisut nuttarnersitsiniarluni aningaasaliissutit aqutigalugit nuunnernut tapiissuteqarsinnaapput. Aalajangersakkat tamakku naapertorlugit tapiiffigineqarsinnaanissamut atugassarititat piumasaqaatillu aningaasanut inatsimmi kontumi pingaarnermi 67.02.03-imi, suliffeqarnermi innersuussisarneq il.il. pillugit inatsisartut inatsisaani kiisalu nuttarnersitsiniarluni aningaasaliissutit pillugit nalunaarummi allaaserineqarnikuupput. Ilassutitut ilisimatitsissutigisinnaavara nuttarnersitsiniarluni aningaasaliissutitut aqutigalugit tapiisinaanerit

pitsanngorsarneqarnissaanik Naalakkersuisut siunnersuutaat Inatsisartunit 2015-imi akuersissutigineqarnikummat.

Tamatuma saniatigut nammineq ineqalernissamut suliffeqarnermilu innersuussisarnermut maleruagassat kiisalu inuuniarnermi atugassarititat il.il. eqqarsaatigalugit kommunimit ikiorserneqarsinnaanissamut periarfissat innersuussutigineqarput.

Apeqqutigineqartumut allanik ilanngussassaqaanngilanga.

Med venlig hilsen  
Inussiarnersumik inuulluaqqusillunga



Kim Kielsen